

Parlamento Hubenil ta celebrando diez aña di existencia



Sra Maduro ta e coordinadora di proyecto di parlamento hubenil. Durante e conferencia di prensa a splica cu tin hopi hoben cu tin curazon pa e fundacion Parlamento Hubenil. Diabierna ora huramenta e miembronan nobo pa Parlamento Hubenil lo probecha pa recorda hopi hoben cu a cuminsa cu Parlamento Hubenil. Den diferente forma lo trece diferente cos dilanti. E historia durante transcurso di aña lo keda bin dilanti. E logo mes nan a cambia su color diferente biaha pero su forma a keda original..



ORANJESTAD (AAN): Parlamento Hubenil a tene su conferencia di prensa unda a papia un tiki riba nan celebracion di diez aña di existencia. Jerney Tromp vocero di parlamento hubenil Aruba a splica cu na 2003 un simiya a crece y awe Parlamento Hubenil ta un Fundacion.

Awe por mira e fruto tambe di gobennan cu a bira lider. Importante pa hobennan tambe por dirigi nan mes na publico. Jose Kock ta vice presidente di Parlamento Hubenil. Durante e conferencia el a splica cu e fecha aki ta importante. Ta mira claramente con nan ta creciendo.

Ta gradici cualkier persona of compania cu a contribui of sostiene parlamento hubenil. Jose Kock a splica cu dia 14 di Juni tin un grupo ta hura-

menta. Nan tin un plan pa sgui traha e proximo añanan y ta voz di e hobennan.

E desaroyo personal y profesional ta algo importante pa nan segun Jose Kock. E voz di e hubentud mester keda bibo. Parlamento ta haci hopi. Ora un hoben bai studia por ehempel afo e hoben timido ta forma su mes bira un persona importante den comunidad.

Jose Kock a splica tambe cu nan ta mira cu tin hopi hoben interesa den loke Parlamento Hubenil ta haci. Den diferente forma ta yuda unda tin problema cu hobennan. Problemanan na scolnan por ehempel ta wordo atendi internamente y djey ta bai over discuti pa drecha e situacion. Nan tin meta pa completo den e proceso.